

Broj: 01-3-11-7799/23
Sarajevo, 08.11.2023. godine

Na osnovu člana 19. Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo". Broj 37/21), člana 8. i člana 70. Zakona o javnim nabavkama BiH („Službeni glasnik BiH“ broj 39/14 i 59/22), Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH" broj: 2/23) i Pravilnika o javnim nabavkama Javne ustanove Institut za razvoj preduniverzitetskog obrazovanja Kantona Sarajevo broj: 985/23 od 09.02.2023. godine (u daljem tekstu: Institut), a na osnovu Zapisnika Komisije za postupak nabavke usluge organizacije raznih događaja (studijske posjete sa obrazovnim sadržajem) broj: 11-11-7798/23 od 08.11.2023. godine, Direktorica Instituta donosi

ODLUKU
o izboru najpovoljnijeg ponuđača
u postupku nabavke usluge organizacije raznih događaja
(studijske posjete sa obrazovnim sadržajem)

I

U postupku javne nabavke usluge organizacije raznih događaja (studijske posjete sa obrazovnim sadržajem), na koje se primjenjuje poseban režim shodno članu 8. Zakona o javnim nabavkama ovom Odlukom vrši se izbor najpovoljnijeg ponuđača: "Centrotrans" Dioničko društvo za prijevoz putnika, turizam i trgovinu Sarajevo u vrijednosti nabavke 101.122,50 KM bez PDV-a za jedan pohod (7. pohod).

II

Po okončanju roka za žalbu odnosno po pravosnažnosti ove odluke, Ugovorni organ će pozvati izabranog ponuđača, radi dogovora o početku realizacije studijskih posjeta u skladu sa Javnim pozivom broj: 01-3-11-5670/23 od 13.09.2023. godine. Ponuđač je dužan prije realizacije putovanja dostaviti pisane dokaze o tehničkoj ispravnosti autobusa propisane tačkom 9. a) Javnog poziva broj: 01-3-11-5670/23 od 13.09.2023. godine, te će nakon završene studijske posjete izdati račun za izvršene usluge.

III

Ostatak neutrošenih sredstava iz Odluke o pokretanju postupka broj: 01-3-11-5334/23 od 31.08.2023. godine za preostale pohode koji se trebaju realizovati, vršit će se u skladu sa ukazanim potrebama Ugovornog organa na način da će iskazati potrebe i da će se na osnovu prispjelih, evidentiranih i prihvatljivih ponuda vršiti odabir ponuđača u skladu sa potrebama ugovornog organa i donijeti odluka o izboru najpovoljnijeg ponuđača i nakon toga pristupiti realizaciji nabavke uz obavezu polaganja računa. Račun za pruženu uslugu smatrat će se ugovorom.

Obrazloženje

Na osnovu Odluke o pokretanju postupka javne nabavke: Usluge organizacije raznih događaja (studijske posjete sa obrazovnim sadržajem) broj: 01-3-11-5334/23 od 31.08.2023. godine i Rješenja o imenovanju Komisije za predmetnu nabavku broj: 01-3-11-5335/23 od 31.08.2023. godine, Komisija provodi postupak nabavke, putem Javnog poziva za dostavljanje ponuda objavljenog na Portalu javnih

web: <http://www.irpo.ba>

e-mail: info@irpo.ba

Tel: (00 387 33) 778 605

Aleja Bosne Srebreće bb/LX, 71000 Sarajevo, Bosna i Hercegovina



nabavki u skladu sa članom 8. Zakona o javnim nabavkama – nabavka po posebnom režimu i Pravilnika o postupku dodjele ugovora o uslugama iz Aneksa II Zakona o javnim nabavkama ("Službeni glasnik BiH" broj: 2/23). Komisija je konstatovala da je postupak za nabavku usluge organizacije raznih događaja (studijske posjete sa obrazovnim sadržajem) otvoren do 31.12.2023. godine i da će se otvaranje pristiglih ponuda vršiti periodično u skladu sa potrebama Ugovornog organa. Ukupna planirana vrijednost nabavke iznosi 844.700,00 KM bez PDV-a, a sredstva su obezbjeđena u Planu javnih nabavki za 2023. godinu pod rednim brojem 01-1-04-5333-3/23 od 31.8.2023. godine sa JRJN oznakom: 79952000-2. Javni poziv, broj: 01-3-11-5670/23 od 13.09.2023. godine je objavljen na Portalu javnih nabavki pod Obavještenjem, broj: 30846-9-2-5-22-15/23 od 14.9.2023. godine.

Nosilac posla predmetne nabavke obratio se sa Zahtjevom broj: 04-1-11-7626/23 od 02.11.2023. godine o donošenju odluke o izboru za sljedeći pohod. Za prethodnih šest pohoda su donesene odluke o izboru. S tim u vezi, Komisija je pristupila analizi pristiglih ponuda.

Do održavanja sastanka Komsije, tj. do 08.11.2023. godine prispjele su dvije ponuda ponuđača i to:

1. Ponuda ponuđača "Centrotrans" Dioničko društvo za prijevoz putnika, turizam i trgovinu Sarajevo, broj: 11-11-6423/23 od 25.9.2023. godine sa ukupnom vrijednosti ponude u iznosu od 101.122,50 KM bez PDV-a. Ponuda dostavljena putem kurira i zaprimljena na protokol Ugovornog organa dana 25.9.2023. godine pod brojem: 11-11-6423/23 od 25.9.2023. godine. Ponuda ispunjava sve pravne, ekonomske i tehničke uslove utvrđene Javnim pozivom, te je ista ocjenjena kao formalno-pravno, ekonomski i tehnički prihvatljiva.

1. Ponuda ponuđača "Biss-Tours" Travel Agency, broj: 11-11-7294/23 od 14.10.2023. godine, sa ukupnom vrijednosti ponude u iznosu od 100.600,00 KM bez PDV-a. Ponuda dostavljena putem lično i zaprimljena na protokol Ugovornog organa dana 14.10.2023. godine pod brojem: 11-11-7294/23. Ponuda ne ispunjava sve uslove utvrđene Javnim pozivom, te je ista ocjenjena kao nepravilna.

Naime, tačkom 9.1. b) Javnog poziva broj: 01-3-11-5670/23 za predmetnu nabavku propisano je da su ponuđači dužni dostaviti vlastoručno sačinjenu, potpisanu i ovjerenu izjavu koje sadržaje lunch paketi nude, tj. koje opcije istih su moguće, obzirom da su dužni obezbjeđiti lunch pakete za 4 (četiri) dana tako da bi isti trebali biti raznovrsni. Nadalje je tačkom 2. Tabele na Obrascu za cijenu ponude – Aneks 2 Javnog poziva propisano da lunch paket mora sadržavati suhi obrok, voće, vodu, sok i slatkiš.

Članom 2. stav 1) tačka I) Zakona o javnim nabavkama propisano je da je nepravilna ponuda ona koja nije u skladu sa tenderskom dokumentacijom.

Uvidom u Ponudu "Biss-Tours" Travel Agency utvrđeno je da je na stranici 17. dostavljena Izjava Ponuđača broj: 2-02-4702/23 od 13.10.2023. godine kojom se izjavljuje da će agencija obezbjeđiti lunch pakete prema programu putovanja, koji imaju HACCP certifikat, te da će lunch paketi sadržavati: suhi obrok, vodu, voće i desert.

Shodno tome, kako je Javnim pozivom traženo da ponuđači dostave izjavu sa sadržajem lunch paketa koji trebaju biti raznovrsni i da isti treba da sadrže i sok, a da je Ponuđač dostavio samo izjavu o obezbjeđenju lunch paketa bez navođenja šta se tačno podrazumjeva pod suhim obrokom, voćem i desertom i bez obezbjeđenja soka, te je navedena ponuda kvalifikovana kao nepravilna u skladu sa članom 2. stav (1) tačka I) Zakona o javnim nabavkama.



Na osnovu svega gore navedenog, Zapisnika Komsije za nabavku, broj: 11-11-7809/23 od 09.11.2023. godine kao i Zahtjeva Nosioca posla broj: 04-1-11-7626/23 od 02.11.2023. godine, Direktorica Instituta donosi:

- Odluku o izboru najpovoljnijeg ponuđača "Centrotrans" Dioničko društvo za prijevoz putnika, turizami trgovinu Satrajevo u postupku javne nabavke usluge organizacije raznih događaja (studijske posjete sa obrazovnim sadržajem) tj. daje svoju saglasnost da se nakon pravosnažnosti ove odluke odabrani ponuđač počne sa realizacijom jedne studijske posjete u ukupnom iznosu od 101.122,50 KM bez PDV-a po jednoj studijskoj posjeti.

Ostatak neutrošenih sredstava iz Odluke o pokretanju postupka broj: 01-3-11-5334/23 od 31.08.2023. godine za preostala dva pohoda, koji se trebaju realizovati, vršit će se u skladu sa ukazanim potrebama Ugovornog organa na način da će iskazati potrebe i da će se na osnovu prispjelih, evidentiranih i prihvatljivih ponuda vršiti odabir ponuđača u skladu sa potrebama ugovornog organa i donijeti Odluka o izboru ponuđača koji ispunjava sve pravne, ekonomske i tehničke uslove utvrđene Javnim pozivom i nakon toga pristupiti realizaciji nabavke uz obavezu polaganja računa.

Cijeneći navedeno donesena je Odluka kao u dispozitivu.

PRAVNA POUKA: Svaki ponuđač koji ima legitiman interes za konkretnu javnu nabavku i koji smatra da je ugovorni organ u toku konkretnog postupka prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu shodno članu 99. i članu 101. stav. 4. Zakona o javnim nabavkama.

DOSTAVITI:

1. Izabranom ponuđaču
2. Komisiji za javne nabavke
3. Nosiocu posla
4. Sektor za plan, analizu, pravna i opća pitanja
5. a/a



DIREKTORICA INSTITUTA

Senada Salihović
Senada Salihović